

# ARTICULUS LX. STATUTORUM FACULTATIS MEDICINÆ PARISIENSIS,

Supremi Senatûs autoritate confirmatorum,

*Quem D. D. Professores se executuros esse juraverunt eo  
ipso die quo Electi sunt Professores.*

**O**MNES & singuli Professores omnibus & singulis Hebdomadæ diebus legant per horam ad minùs, exceptis diebus Feriatis & Vacationum tempore :

Feriatos autem dies non alios in posterum agnoscit Facultas, quàm eos qui ab Ecclesiâ divino cultui publicè dicati sunt :

Tum pervigilia Solemnitatum Paschatis,

Pentecostes,

& Christi Natalium;

Tum diem Jovis cujusque hebdomadæ :

Tum eos dies, quibus à Rectore & Academiâ Supplicationes ordinariæ vel extraordinariæ fiunt :

Atque etiam Festum S. Nicolai, mense Maio,

S. Lucæ, mense Octobris,

S. Catharinæ, mense Novembris;

S. Nicolai, mense Decembris;

Cæteri, pro Feriatis antehàc habiti, dies ordinariis Professorum Lectionibus impendantur.